

3. maj 2022

UPA2022/51

Nunatsinni illoqarfinni avinngarusimasuniittuni peqqissaaviit minnerni nakorsaqaarniarneq aammalu peqqinnissaqarfimmi sulisunik amigaateqarneq pillugu Naalakkersuisut UPA2023 nallertinnagu nassuiaasioqquneqarnissaannik Inatsisartut aalajangiiffigissaassaattut siunnersuut.

(Naleqqap Inatsisartunut ilaasortaaitai)

Siunnersuuteqartunut qujalluta, Siumumiit siunnersuut imaattumik oqaaseqarfigissavarput.

Peqqinnissaqarfiup aqqissuussaananeramik ilulisilersuinissaq ukiuni tulliuttuni politikikkut qularnanngitsumik initusussaavoq. Annermik peqqinnissaq pillugu ataatsimiititsaliarsuup suliani naammassereerluni inatsisartunut suliassanngortippagit. Suliassaasa pingaannerit ilagivaat sulisoqarnikkut ilaalluni nakorsaqaarniarnikkut inissisimanitta qulaajarsimallugu iluarsisutaasinnaasunik inassuteqaateqassaluni. Torrallataasumik aqqissuussinissamut suli aqut takivoq taamaattumik immikkut ataatsimiititaliarsuarmik sulisoqarnera qilanaarivarput suliassa naammassisat tusarnissaat

Taamaattorli siunnersuuteqartup qulequtaq qaqitaa pingaartipparput maannangaaq inatsisartuni eqqartulereernissaa, inuiaammi killiffitsini tamatsinnut naligiinngitsunik periarfisseeqqanerput nassuerutigissallugu piffissanngorsorinarpoq, iluatsinneq ajuleqqasagut nassuiaasersuinnassallugit naammakunnaarsorinarluni.

Siumumi nalornisiginngilarput Nunatsinni innuttaasut qaqugukkulluunnit nakorsamik pisariaqartitsinermi sukkanerpaamik pisariinnerpaamillu aqqissuunneqarnissaa siunertaajuaannassasoq. Tamannalu tikitserlugu pissutsit sungiusimalikkagut akuersaaginnarnagit aaqqiissutissarsiorneq ornittariaqaripput.

Killeqanngitsumik aningaasaatigut atuisinnaalluta inissisimagaluaruttaluunnit qularnarpoq ajornartorsiut qaqqinneqartoq ingerlaannaq aaqqiissuteqarfigisinnaagipput. Ungasinnerusoq eqqarsaatigalugu nammineq tamakkiisumik imaluunnit sapinngisamik amerlanerpaamik kalaallinik nakorsaqaalernissaq suliassatta ilagivaat, tamanna anguneqassappat suliassaqaarfik alla pingaaruteqarluinnartoq eqqaanngitsoorsinnaanngilarput.

Ilinniartitaanerput annertusartariaqarparput meeqqat inuusuttullu ilinniartitaanerat pitsanngorsaavigisariaqarpugut siunissami nakorsanngorniarsinnaasut amerlisarniarlugit, avataanit isumalluuteqarnerput annikillissagutsigu allamik aqutissaqanngilagut. Suliassarlu tamanna aamma napparsimaveqarfimmi pissutsit assigalugit aqqissugassaangaatsiarpoq, aporfiunngilarli uagununa suliassarput.



Tamassuma saniatigut Inuiaat ilinniarsimallutik nunatsinni sulineranni immikkut ittumik isorliunerusuni taasalersimasatsinni inoqarfiit avinngarusimasuniittunut suliartorusuppata ajornaallisaasariaqarpugut ajornaalisaaanikkut sivikikkaluamilluunnit nuussinnaappata angerlarlutilluunnit atugassarititaasut naleqqussakkat aallaavigalugit sulisinnaanerat aqqutissiuuttariaqarpagut.

Taamatut oqaaseqarluta malugalugu qulequttat sunniuteqarsinnaasut arlalissuusut akueralugu pitsaanerussasoq sukumiisumik eqqartorneqalernissaa ataatsimiititaliamut susassaqartumut ingerlateqqinneqarnissaa innersuupparput.

Hans Peter Poulsen